

VERJAARSDAE : 24 TOT 30 JANUARIE 2010				
01/26	NATIE	FERREIRA	HANS STRIJDOMLN 193	Blok 2
01/26	CARIA	OELOFSE	VAN RIEBEECKLN 17	Blok 4
01/26	TANIA	OELOFSE	VAN RIEBEECKLN 17	Blok 4
01/26	ANTOINETTE	VAN RENSBURG	KRUGERLN 73.	Blok 3
01/26	JOHANN	ISKE	CHARIS 14 BASDENLN 228	Blok 4
01/28	SUSAN	HOUGH	DF MALANLN 203A	Blok 2
01/28	RYNO	VAN STADEN	CANTONMENTSWEWEG 11	Blok 2
01/28	CHARN	BROEKHUIZEN	HANS STRIJDOMLN 9	Blok 4
/01/29	BIANCA	VAN GRAAN	KOL BLAKESTR 13	Blok 1
01/30	ZILLAH	RAULSTONE	KRUGERLN 67	Blok 3

SPEZIALE GELUKWENSING

Hartik geluk aan Zillah Raulstone, KrugerIn 67 met haar 83ste verjaarsdag Saterdag, 30 Januarie. Ons bid u Gods rykste seën en liefde toe vir die nuwe lewensjaar.

GEMEENTEKAMP / KONFERENSIE

29—31 JANUARIE 2010

Karavane, tente, lodge

Konferensie: Saterdag 30 Januarie 08:00—13:00

Bring en braai vir almal: 13:00

Kom kuier saam, leer mekaar ken, gesels saam oor hoe ons die Here kan verheerlik deur dissipels te wees!

Koste: Kamp—R200 per gesin


Konferensie—gratis

Plek: Deo Volente

(ongeveer 35 km van die Zambesi-afrit)



**Vir meer inligting:
Kontak Freddie Schoeman
(0845818139)**



Ned Geref Gemeente Lyttelton-Oos

FAMILIENUUS

Sondag, 24 Januarie 2010

Hartlik welkom in die erediens vanoggend

Webtuiste: www.lytteltonoos.org.za

SONDAG, 24 JANUARIE

Deurkollekte Motorwag
Sakelys Kerkraad

- 09:00 Erediens: Freddie Schoeman
- 09:00 Kindereredienste
- 18:00 Aanddiens
- 18:45 Kategese/Ouers kuier saam
- 19:30 Gesinne kuier/speel saam

MAANDAG 25 JANUARIE

- 19:00 Bedryfspanvergadering

DINSDAG, 26 JANUARIE

- 09:00 Sustersbiduur/Bybelstudie
- 18:30 Alphakursus

WOENSDAG, 27 JANUARIE

- 17:00 Biduur

VRYPDAG 29 JANUARIE

Gemeentekamp

SATERDAG 30 JANUARIE

- 08:00—13:00 Gemeentekonferensie

SONDAG, 31 JANUARIE

Gemeentekamp

- 09:00 Erediens: Freddie Schoeman (Vorbereiding)
- 09:00 Kindereredienste
- 18:00 Aanddiens
- 18:45 Kategese/Ouers kuier saam
- 19:30 Gesinnekuier/speel saam

MAANDAG 1 FEBRUARIE

- 19:00 Bedieningspanvergadering

DINSDAG, 2 FEBRUARIE

- 09:00 Sustersbiduur/Bybelstudie
- 18:30 Alpha-kursus

WOENSDAG, 3 FEBRUARIE

KERKRAADSVERGADERING

Kerkraadslede moet asseblief kennis neem dat die vergadering van 27 JANUARIE verskuif na WOENSDAG, 24 FEBRUARIE

NUWE INTREKKERS

Ons wil julle graag so gou moontlik tuis laat voel en deel maak van ons geloofsgesin! Bly gerus na die diens agter dan ontmoet ons mekaar voor die kansel. Julle kan ook ds Freddie Schoeman (084 581 8139) of Max Amsenga (012 664 3629) skakel.

VOORBIDDING

1. Adam en Shereen Barnard, Witelstr 1 met Shereen se moeder wat ernstig siek is (Blok 4).
2. Willie en Tania Neü, KrugerIn 250 met Tania se moeder wat ernstig siek is (Blok1).
3. Johan en Elize de Beer, Krugerlaan 218 met Johan wat nog behandeling ondergaan (Blok 2).
4. Ons dink in besonder aan Gustav en Heleen Venter, Bettystr 379 met Gustav wat nog voortdurende rekonstruksie-prosedures ondergaan na die kaping (Blok 1).
5. Pieter en Anna Veldsman, Tecoma WS 4 met Pieter wat behandeling vir kanker ondergaan (Blok 1)
6. Adolf Crafford, Hans StrijdomIn 182 wat nog steeds wag op 'n skenker vir 'n nieroorplanting. (Blok 2). Ons vra voorbedding vir die hele gesin.
7. Voorbedding word gevra vir ons onderwysers asook almal wat met opleiding gemeoid is. Ons bid hulle die Here se sien toe op hul arbeid.



Alpha

*'n Geleentheid om die betekenis
van die lewe te ontdek*

19 Januarie 2010—23 Maart 2010

Elke Dinsdagaand om 18:30—21:00

*Kom vra jou vrae
Kom verken die terrein van die geloof
Kom deel in die saamwees*

*Dui jou belangstelling op 'n terugvoervorm aan
of skryf in op ons webblad by*

<http://www.lytteltonoos.org.za/inligting/alpha.htm>

*Almal is welkom! Nooi gerus alle ander (familie, vriende,
kollegas) wat nog die Alpha-kursus bygewoon het nie.*

*Vat vyf: identifiseer vyf persone wat nie die Here of die
warmte en liefde van 'n geloofsgemeenskap ken nie en bou
'n verhouding met hulle op.*

Nooi hulle om die Alpha-kursus by te woon.

DANKOFFER PER INTERNET

Lidmate is welkom om hulle maandelikse dankoffer / gelooffer per internet oor te plaas.

Die gemeente se rekeningbesonderhede is as volg:

ABSA Lyttelton / Takkode: 632 005

Gemeentefonds (vir dankoffers) 600 580 159

Gelooffer: 4050 438 756

Jy kan ook ons webtuiste besoek by www.lytteltonoos.org.za en op die

GivenGain ikoon klik

om dankofferoordrag te vergemaklik

Daar is ook eDebietordervorms in die konsistorie beskikbaar—kom vra vir een na die diens of skakel Sexta Maree by 0126644458 Maandae of Woensdae of op haar sel 0724344670 of vra een aan by ngk@lytteltonoos.org.za.

NG GEMEENTE LYTTTELTON-OOS ROEPING

Die roeping van Lyttelton-Oos Gemeente is om God te verheerlik deur dissipels te wees wat vrugte dra.

Dissipels wat vrugte dra leef 'n lewe in oorfloed – 'n lewe van liefde, vreugde en vrede.

Ons glo dat elke lidmaat 'n geroepe dissipel van Jesus Christus is en dat dit ons as gemeente se gesamentlike verantwoordelikheid is om elke lidmaat as dissipel te vorm. Daarom is die ideaal nie net dat elke lidmaat gevorm sal word as dissipel nie, maar om ook ander te help om as dissipels gevorm te word.

Ons gebruik die metafoer van 'n saad wat geplant word, ontkiem, groei en uiteindelik vrugdra as metafoer om die proses van dissipelvorming voor te stel.

Dissiplenvorming geskied deur vyf prosesse:

Plant-proses – dit is die proses waardeur die liefde van God in mense se harte geplant word. Die boodskap van God se onvoorwaardelike genade moet 'n integrale deel wees van elke lidmaat se geloofsbelevens.

Sorg-proses – dit is die proses waardeur die saad wat geplant is versorg word. Die liefde en sorg van lidmate van die gemeente vir mekaar as broers en susters bied die vrugbare teelaarde vir die boodskap van God se genade om te ontkiem en te groei.

Voed-proses – die is die proses waardeur die groeiende plant versterk word met die nodige voedingstowwe. Elke lidmaat moet geestelike gevoed word deur die Woord en die Sakramente (doop en nagmaal) in die eredienste, in persoonlike stiltetye, in retreats, bidure en Bybelstudies.

Groei-proses – dit is die proses waardeur die plant groei tot volle wasdom. Lidmate word geroep om die volle potensiaal waarmee die Here hulle toegerus het te ontdek en te ontwikkel.

– dit is die proses waardeur die plant vrugte begin dra wat uiteindelik lei tot 'n ryk oes. 'n Lidmaat wat vrugte dra neem met ywer deel aan die vestiging van God se koninkryk op aarde deur die saad van God se liefde in ander mense se lewens te plant en om 'n stukke wêreld heel te maak.

WILLIE SMITH EN GESIN Sê ...

Baie dankie aan ds Freddie en Alma Schoeman vir hulle ondersteuning en liefde wat hulle as gesin van hulle ontvang het. Hartlike dank dank aan almal in die gemeente wat hulle met soveel liefde, bystand en gebede gedra het tydens Theresa se siekte en afsterwe. Lyttelton-Oos is vir hom en sy gesin 'n wonderlike gemeente en hulle dra die gemeente aan die

ATTESTATE ONTVANG

Belydende lidmate:

Vanaf Fouriesburg:

Jacobus Snyman Venter

Vanaf Universitas:

Helena Maria de Klerk (nou Venter)

Hulle woon in Concerto Park 50 Concerto Singel Pierre van Ryneveld.

Belydende lidmate:

Vanaf Nederduitsch Hervormde Kerk Standerton:

Adam Johannes Jakobus Botha

Vanaf NG Gemeente Forest Hill:

Nolandi Venter (nou Botha)

Hulle woon in Milkwood 18, Basheestraat Centurion

Hartlik welkom by Lyttelton-Oos gemeente. Ons hoop julle sal baie gelukkig wees hier by ons en dat julle sal inskakel by die aktiwiteite van die gemeente

ROMMELVERKOPING

Die volgende rommelverkoop ten bate van Bybelverspreiding vind plaas op **DONDERDAG, 4 FEBRUARIE 2010 VANAF 06:30**.

U kan reeds nou al u kaste nagaan en artikels wat vir u in onbruik geraak het skenk vir die verkoping. Lewer dit asseblief by Ria Maree, Fitz Patrick-weg 21 af (664 3364) of Dries van der Merwe, Van Riebeecklaan 149 (664 2469).

Hulp sal ook waardeer word met die merk van artikels op **WOENSDAG, 3 FEBRUARIE VANAF 09:00**. By voorbaat dankie daarvoor!

LET WEL: Met die oog op logistieke hantering verskil die dae van wat dit in die verlede was. Die tyd bly nog dieselfde.

Ons maak staat op u ondersteuning soos in die verlede.



LEER JOU BYBEL KEN!

Doen dit op een of beide van die volgende maniere:

'n e-Dagstukkies elke dag in jou inboks!

Werk die Bybel sistematies boek-vir-boek deur 'n gedeelte uit die Bybel elke dag te lees en dan 'n verklaring daarvan daagliks per e-pos te ontvang. Dit is 'n uitstekende manier om die konteks van sekere "onverstaanbare" Bybelverse te verstaan en dan helderheid daarvoor te verkry. Mettertyd begin die rykdomme en skatte van die Bybel vir jou al hoe meer toeganklik word!

Die boeke van die Bybel is bedoel om van begin tot einde as 'n geheel deurgelees te word. Slegs op hierdie manier kan ons begin verstaan wat die bedoeling en boodskap van die oorspronklike skrywer was.

Teken in teen slegs R50 per jaar deur die volgende webblad te besoek:

www.sinoos.co.za

Volg die skakel na "Daaglikse e-dagstukkies" wat aan die regterkant van die blad verskyn.

Die meeste gelowiges in ons land beskik oor 'n Bybel—selfs 'n hele paar! Maar lees ons dit gereeld? En verstaan ons wat ons lees? Woordwyser se e-dagstukkies en die publikasie Bybel in konteks wil die gelowige help om aan die lees te kom en dan met begrip te lees.

Maak gerus gebruik van hierdie geleentheid om die Bybel beter te verstaan en vertel ander ook daarvan.

Lees die boeke van die Bybel in volgorde waarin dit ontstaan het.

Het jy geweet dat Jona en Rut in dieselfde tyd geskryf is en perspektief en balans op die boodskap van Esra en Nehemia bied? Of dat Daniël en Ester die jongste boeke in ons Ou Testament is en in die tyd van Makkabese opstande geskryf is? Of dat die evangelie van Johannes en Openbaring saamgelees behoort te word en dat Openbaring meer oor die verlede as oor die toekoms sê?

Dit is onverantwoordelik om die boeke van die Bybel buite hulle ontstaanskonteks te probeer verstaan. *Wanneer ons hierdie konteks egter in berekening bring, vou die inhoud en betekenis van die Bybel voor ons oë oop en hoor ons die stem van die Here soos nog nooit tevore!*

Woordwyser II Bybel in Konteks wil die Bybelleser graag help die Bybel binne konteks te verstaan. Bestel dié insiggewende publikasie by die teetafel teen R90 per kopie.

RUSOORD — BEDDENS BESKIKBAAR

Rusoord het tans beddens beskikbaar in die versorgingsafdeling vir **mans**. Belangstellendes kan matrone Labuschagne kontak by 012 - 664 5835.

OMGEEBEDIENING

Hierdie jaar wil ons graag met ons bedienings begin deur op u 'n beroep te doen om van hulp te wees. Hoe meer gemeentedelede betrokke raak hoe minder tyd het elkeen nodig om hieraan te bestee. "Vele hande maak ligte werk" is die spreekwoord en ons het regtig 'n hele paar hande nodig om die werk maklik en lig te maak.

Soos u reeds al 'n paar keer in die familienuus gesien het, is daar 'n paar onderafdelings by die Omgeebediening. Ek noem hulle hieronder weer. Kyk waar u graag wil help en waarheen die Here u hart se punt trek. Kom meld by my aan so gou moontlik.

Omgeebediening: Gaan oor mense en hul behoeftes. Dus, as u lief is vir mense is dit die plek vir u!!

Beradingsgroep: Ons is nie terapeute - nie net mense wat luister en omgee. Dit word baie streng vertroulik hanteer. Die bediening sluit in Trauma - soos dood in familie, inbrake ens. Ook Jeug-probleme – dwelms, drank, hantering van groepsdruk, ensovoorts.

Voedselbediening: Dit is nie net vir mense wat nie kos het om op die tafel te sit nie. Dit is ook vir mense wat opgeneem word in die hospitaal; wat siek is by die huis; wat iemand aan die dood afgestaan het. Ons is daar om hulp te verleen vir twee tot drie aande se etes of enige iets anders wat nodig sou wees. Hier het ons die gemeente se insette en ore en oë nodig om ons in kennis te stel van sulke gevalle.

Sieke/hospitaalbesoek span: Ons wil Ds. Freddie se werk 'n bietjie verlig deur hom van hulp te wees om op 'n meer gereelde basis die siekes te gaan besoek en om te gee.

Telefoonbediening: Vrywilligers word benodig wat bereid sal wees om noodlyndiens te doen vir enige gemeentelid wat nie direk met iemand wil praat nie. Die bediening is 'n 24 uur bediening - dus moet u bereid wees om enige tyd beskikbaar te wees. Daar sal so gou moontlik 'n kursus aangebied word.

Vervoerbediening: Ons wil mense bystaan deur hulle te vervoer na funksies by kerk - veral in die aande, of mense wat nie 'n voertuig het nie wat hospitaal toe, na 'n kliniek of winkels toe moet gaan.

Die volgende aksies resorteer ook onder die Versorgingsproses:

Begravnisbediening, Klub Immergroen, Selgroepe, Jeugselgroepe, Gebedsnetwerk en Sosiale Netwerk.

Die eerste vergadering hierdie jaar vind plaas Maandag, 18de Januarie om 19h00 in die Gemeentesentrum. Ons sien uit daarna om u daar te ontmoet.

Madelaine Steyn
Sel: 0823542455

ONTDEK JOU POTENSIAAL

*Kom vind uit waarmee die Here jou toegerus het
Ontdek jou onontginde natuurlike vermoëns en talente
en jou unieke samestelling
Kry duidelikheid oor jou beroepskeuse
Leer hoe om talente om te sit in areas van uitnemendheid
Verneem waar jy 'n unieke bydrae kan lewer*

Vier werksinkels hierdie jaar:

20 Februarie 2010 (08:00—16:00)

15 Mei 2010 (08:00—16:00)

28 Augustus 2010 (08:00—16:00)

23 Oktober 2010 (08:00—16:00)

Koste: R290

(Sluit in: 'n internet-toets wat vooraf gedoen moet word; kursusmateriaal, verversings en 'n middagete)

Skryf in deur:

'n SMS te stuur aan 0845818139

'n Terugvoervorm te voltooi

Bywoning op ons Facebook bladsy aan te dui
(soek vir NG Gemeente Lyttelton-Oos)

VIR AANDAG, ASSEBLIEF — AKSIES EN BEDIENINGE

'n Vriendelike versoek — sal u asseblief wanneer u beplan om 'n byeenkoms of vergadering wat nie op die almanak geskeduleer is nie te reël, eers seker maak dat die gemeentesentrum/kerk beskikbaar is op die betrokke dag en tyd.

Skakel Max (012) 664 3629

KURSUS:

GOD'S VISION, GOD'S MISSION
Verstaan God se plan met die wêreld
25-29 Januarie 2010

Koste: Donasie

Vir meer inligting kontak:
Gavin Porter 082 214 5914